


道教典籍選刊

無上秘要

中

周作明 點校



中華書局

道教典籍選刊

無上秘要

中

周作明

點校

中華書局

無上秘要卷之二十九^(一)

三十二天讚頌品

太上道君清齋持戒於西那玉國鬱察山浮羅之嶽，敷黃金薦地，白玉緣階，七寶瓔珞^(二)，光明煥日，黃雲四纏，紫霞三市。

元始天尊皆^(三)諸天大聖、十方至真、無極神王、天仙、飛仙、地仙、五帝真人，浮空降席，流光朗徹，二景冥合。太上道君不勝喜悅，前進作禮，上白天尊：「今日衆聖迴降空山，

〔一〕「無上秘要卷之二十九」，敦煌文書伯二六〇二（李德範輯敦煌道藏第四冊）題作「無上秘要卷二十九」，全文保留了本卷內容。本卷所收空洞靈章經，還見於敦煌文書洞玄靈寶空洞靈章經（伯二三九九、斯二九一五，見敦煌道藏第五冊）。

〔二〕「瓔珞」，伯二六〇二作「纓絡」，

〔三〕「皆」，伯二六〇二作「從」。

群真歡樂，不比於常。伏願天尊賜命西宮上玄真人，披空洞之弦，和自然之靈章，使未見者見，未聞者聞。「天尊歡喜」^(一)而言：「空洞靈章，諸天玉音，上宮所重，祕不下傳。今既良讌，歡樂難稱，運非常會，理不容藏。今當普告三十二天，齊真合和，披誦靈章。」於是道君稽首稱慶，諸天歡喜而各作頌曰：

太黃皇曾天頌。

梵行冠大羅，淳風抗玄紀。无^(二)形有常存，觀世翻然理。屢踐不終劫，探幽度生死。三乘通便路，清虚无塵滓。長夜息對魂，地獄五苦解。劍樹不搖條，刀山不傷體。門有浩劫公，地无夭年子。今日慶期^(三)會，諸天並歡喜。不勝情欣悅，高唱稽首禮。

太明玉完天頌。

〔一〕「歡喜」，伯二六〇二作「含笑」。

〔二〕「无」，原作「天」，據伯二六〇二、伯二二九九改。

〔三〕「期」，伯二六〇二、伯二二九九作「斯」。

宴^(一)景玉完上，遊輪躑玄都。逍遙太明中，長燈煥^(二)翠羅。靈風拂重雲，龍阜鬱嵯峨。上有飛天人，羽衣互紛葩。下有龍漢民，皆是浩^(三)劫家。五道息對魂，九幽罷三塗^(四)。天馬運東井，長源无巨沙。不聞孤魂聲，但作興樂歌。斯樂今无極，當奈來運何。

清明何童天頌。

无色何童上，梵元^(五)理太清。華綺麗玉京，黃雲纏四駟。紫林翠南阜，飄^(六)風振朱瓊。鳳嘯長夜開，十轉九幽明。鳥母遏天河，龍負寒井餅。五道絕對根，三塗不羈兵。迴旗徵天魔，黃幡校北營。洞章度幽魂，三界無謠聲。上有福德宮，下有更生形。是爲元始法，妙哉空洞經。喜慶稽首誦，高唱歡萬齡。

〔一〕「宴」，伯二六〇二、伯二三九九作「晏」。

〔二〕「煥」，伯二三九九作「燒」。

〔三〕「浩」，伯二六〇二作「皓」。

〔四〕「塗」，本卷中該字，伯二六〇二、伯二三九九絕大多數作「徒」。

〔五〕「元」，伯二三九九作「炁」。

〔六〕「飄」，伯二三九九作「飄」。

玄胎平育天頌。

平育抗三層，迴神度十方。上披長夜戶，下朗九幽房。苦魂乘慶歸，飛行入福堂。山
無對怨人，但有浩劫公。元始迴玉駕，黃旗召靈風。掃除五道場，緣對乘運通。飛天並
歡樂，慶我長生宮。

元明文舉天頌。

圓綱儻空洞，紫輪偉玉庭。文舉敷丹暉，三便理玉清。離羅曜長庚，九夜煥高明。
三界无死魂，億劫皆成靈。巍巍十聖公，梵行飛天經。一誦諸天禮，十轉枯骨生。七玄昇
朱宮，享福人无形。

上明七曜天誦。

〔一〕「浩」，伯二六〇二、伯二二九九作「皓」
〔二〕「庚」，伯二六〇二、伯二二九九作「更」。

乘景遊三素，高奔日月宮。七耀煥上清，鬱儀晞琳房。消魔非洞友，結璘(一)以我朋。迴度十天人，齊啜飛華皇(二)。朝飡五雲炁，夕噏三晨光。魔夷无世界，偏无五道場。億劫並皇民(三)，稱爲福德堂。

虛无越衡天頌。

虛无梵大羅，飛網僂天關。推度總元紀，四炁晝夜分。九會非常運，號曰越衡門。天地理自定，歡樂豈常存。此爲福德界，自生不惡根。奈何來運促，代謝不齊辰。慶(四)今悼來生，故誦哀樂文。

太極濛翳天頌。

〔一〕「璘」，伯二六〇二作「鄰」，伯二三九九九作「璘」。

〔二〕「皇」，伯二三九九九作「黃」。

〔三〕「民」，伯二三九九九作「人」。

〔四〕「慶」，原作「度」，據伯二六〇二、伯二三九九九改。

濛翳煥重虛，曜靈映朱扉。三十二天童，錦帔〔一〕飛青衣。把幡執命籍，攝召苦魂歸。長夜披五戶，朗朗九幽開。太極長生宮，名人並仙飛。法門度天人，億劫自相隨。七祖離苦根，長歌昇紫微。

赤明和陽天頌。

赤明開元圖，陽和迴上虛。元始敷靈篇，十部飛天書。開度九幽祖，萬遍道自居。玉阜秀琳宮，生死福德廬。自无黃籙簡，苦根焉得除。長齋誦靈章，五靈互〔二〕相扶。功成天地基，世世慶有餘。

玄明恭華天頌。

〔一〕「帔」，原作「披」，據伯二六〇二、伯二三九九改。

〔二〕「互」，伯二六〇二作「玄」。

恭華十方經，迴解諸天音。敷行遍五^(一)道，拔度好尚心。黃麾^(二)徵大^(三)魔，赤書滅寒^(四)林。三界通玄路，天無^(五)悲魂吟。拔過八難庭，逍遙玉綺岑。身入衆梵行，長樂七寶林。永享无極慶，劫劫自相尋。

曜明宗飄天頌。

曜明高映，宗飄通玄。元始開圖，敷落^(六)五篇。赤童掌^(七)錄，黃雲四纏。八威備衛，靈獸侍真。華光飾發，反香拂塵。綺合長阜，遊迴十天。高唱^(八)空洞，飛步入玄。枯魂昇

〔一〕「遍五」，伯二二九九作「万遍」。

〔二〕「麾」，原作「魔」，據伯二二九九改。

〔三〕「大」，伯二二九九作「天」。

〔四〕「寒」，原作「高」，據伯二六〇二、伯二二九九改。

〔五〕「無」，原作「心」，據伯二六〇二、伯二二九九改。

〔六〕「落」，伯二二九九作「絡」。

〔七〕「掌」，伯二六〇二、伯二二九九作「賞」。

〔八〕「唱」，伯二二九九作「昌」。

陽，灰骸還人。神王度命，乘虛駕煙。禮誦靈章，與劫同年。

竺落皇筋天頌。

皇筋攝元，竺落總神。白簡度品，青籙定仙。黃江迴靈，赤書招真。靈風鼓旗，十絕繞騫。日精鍊魂，枯骸生津。十轉拔_(一)難，功登飛天。洞章命魔，稽首上玄。滅落九夜，斷絕_(二)胞根。名度南玄_(三)，保命三便。

虛明堂曜天頌。

虛明大梵，梵行大館。元公臨正，司命執算。是日嘉慶，五道披散。錦雲仰迴，月華下灌_(四)。朱童度苦，靈章拔難。七玄昇軒，十轉登漢。七寶林中，歡樂璀璨。

〔一〕「拔」，原作「八」，據伯二六〇二、伯二三九九改。

〔二〕「絕」，伯二三九九作「除」。

〔三〕「玄」，伯二六〇二、伯二三九九作「宮」。

〔四〕「灌」，伯二三九九作「觀」。

觀明端靖〔一〕天頌。

端靖理運，十迴觀明。龍漢蕩蕩，五欲不生。下有沌〔二〕民，上有三靈。滅度九道，轉輪魂形。五帝監度，魔王保明。休息宿對緣，來運乘福生。歡樂無終已，逍遙三界庭。諸天齊十聖，稽首誦洞經。

玄明恭慶天頌。

玄明洞虛，流暉九霞。恭慶承梵，靈風散華。長麾〔三〕迴仙，赤文攝魔。召龍負水，烏母畢河。九幽開夜，休息三塗。五苦長解，地獄清和。斬根絕對，反生王家。

太煥極瑤天頌。

〔一〕「靖」，伯二六〇二、伯二三九九作「靜」，後文「端靖」同。

〔二〕「沌」，伯二六〇二作「淳」，伯二三九九作「純」。

〔三〕「麾」，原作「魔」，據伯二六〇二、伯二三九九改。

太煥既振，極瑶〔一〕承浮。開清九門，三便飛流。長更續夜〔二〕，玉燈朗岫。圓華營瑛〔三〕，黃雲四敷。迴風混合，百神召无。公子執籍，太一度符。司命拔死，生骸起灰。逍遙七寶，林中熙遊。十聖齊真，飛天同儔〔四〕。出入法門，萬劫何憂。

元載孔昇天頌。

元載衆梵炁，孔昇綱八羅。敷雲迴金門，虹〔五〕映煥朱霞。上有授〔六〕生童，飛天互參差。食炁長阜〔七〕穴，讌津黃水華。開夜拔朽體〔八〕，還童反素牙。身人不死劫，名繼〔九〕玉

〔一〕「瑶」，伯二六〇二作「搖」。

〔二〕「夜」，原作「庚」，據伯二六〇二、伯二三九九改。

〔三〕「營瑛」，伯二六〇二、伯二三九九作「瑩映」，更恰。

〔四〕「儔」，伯二三九九作「疇」。

〔五〕「虹」，伯二六〇二、伯二三九九作「江」。

〔六〕「授」，伯二六〇二、伯二三九九作「採」。

〔七〕「阜」，原作「息」，據伯二六〇二、伯二三九九改。

〔八〕「體」，伯二六〇二、伯二三九九作「骸」。

〔九〕「繼」，伯二三九九作「係」。

靈都。神王定仙錄，五帝符大魔。保明三界難，世世爲仙家。

太安皇崖天頌。

太安皇崖天，紫微映朱日。上有八會炁，靈風鼓慶室。五老攜賓駕，宴(一)景西鬱察。金童敷帝席，神公輔太一。命靈盟五符，攝魔度仙秩。寒庭開夜窗，對魂被(二)幽出。萬萬善緣生，億億惡根絕。天有福堂賓，地无牢獄結。不勝三界清，五神歡且悅。

顯定極風天頌。

極風羅八員，碧雞啓扶搖。風轉八員迴，長更朗幽遼。天通九夜清，衆聖命羽飄(三)。飛步七寶園，大小悉逍遙。高唱誦靈章，一遍諸天朝。十轉衆生度，苦魂返舊條。朗朗大有明，惡緣應神消。斯運真難喻，奈何來運凋。

〔一〕「宴」，伯二六〇二、伯二三九九作「晏」。

〔二〕「被」，伯二六〇二、伯二三九九作「披」。

〔三〕「飄」，伯二三九九作「颿」。

始皇孝芒天頌。

始皇^(一)元一炁，上梵玄中精。運周塵沙劫，開化度衆生。龍漢承康界，開圖號赤明。妙哉元始公，倏歛敷三靈。五帝承符會，赤書朗長冥。十部大乘門，衆聖讚洞經。飛步旋玄都，三周^(二)繞宮城。神王稽首唱，魔王伏真形。三徒息不掠，朽骸自然榮。南堂多福寶，世爲歡樂庭。但恐塵沙訖，福盡天地傾。運來非時求，苦哉難爲情。

太黃翁重天頌。

太黃翁重天，德爲三界宗。上有鑒天君，總領鬼神宮。開度生死戶，安置善惡方。緣對互相尋，勞心總陰陽。諸天並^(三)慶集，歡樂不比常。於是三塗解，罷除五難場。刀山落

〔一〕「皇」，伯二二九九作「黃」。

〔二〕「周」，原作「洞」，據伯二六〇二、伯二二九九改。

〔三〕「並」，伯二二九九作「普」。

鋒^(一)刃，九幽開夜光。苦魂披重幽^(二)，飄飄^(三)昇福堂。輪我三乘門，世世生仙王。

无思江由天頌。

无思无色界，眇眇元始初。江由映高玄，煥落^(四)五篇舒。十天綠羅室，羲和皎^(五)重虛。五老滄^(六)圓宮，妙童滄靈墟。仰喻長更井，練胎反嬰孩。太一保命錄，南陵拔夜居。九幽无死魂，門有更生軀。宿對五苦斷，劫劫生仙廬。諸天並稱慶，蕭條誦靈書。

上揲阮^(七)樂天頌。

〔一〕「鋒」，伯二六〇二、伯二三九九作「峰」。

〔二〕「幽」，伯二六〇二、伯二三九九作「出」。

〔三〕「飄飄」，伯二六〇二、伯二三九九作「颼颼」。

〔四〕「落」，伯二三九九作「洛」。

〔五〕「皎」，伯二六〇二、伯二三九九作「皎」。

〔六〕「滄」，伯二六〇二、伯二三九九作「食」。

〔七〕「阮」，伯二三九九作「玩」。後文「阮樂」之「阮」同。

阮樂飛玄景，丹雲敷三羅。迴旗徵萬靈，鍾鼓召天魔。掃通九幽逕，龍鳥(一)負長河。飄飄无色上，清元蕩難波。紫微煥七臺，騫樹秀玉霞。衆聖集琳宮，金母命清歌。雙成陽妙曲，一唱飛天和。十唱五苦解，夜魂披重羅。七神返靈胎，朽骨還更華。福堂饒清賓，地獄无對家。運役自然炁，於是息三塗。一暢萬劫感，慶賀西玉那。

无極曇誓天頌。

曇誓高澄，虚落十迴。青精始周，元炁敷暉。大有通明，赤帝徘徊。五符流煥，元公放威。萬靈伏爽，群魔消摧。天清地除，九幽廓開。億劫苦對，承運各歸。斬(三)根絕胞，死尸生輝。七祖受靈，皆得仙飛。滅度无極，福慶巍巍。

皓庭霄度天頌。

皓庭映十，素暉西浮。朱童振杖，策靈九丘。飛步攝魔，制靈召无。總炁御運，元始

〔一〕「鳥」，伯二六〇二作「馬」。

〔二〕「斬」，伯二二九九作「斷」。

熙遊。倏歛四八，大象交周。歷度開生，五帝煥符。十轉迴玄，法澤滂流。地藏發泄，金玉滿隅。死魂競歸，白骨生軀。逍遙高臺，飛天爲儔^{〔一〕}。

淵通元洞天頌。

元洞皓明，太白上精。金仙黃母，號曰素靈。右俠月女，左帶扶生。七元吐光，日童擲鈴。威振淵通，煥赫奔星。總歸萬方^{〔二〕}，受度仙庭。炁不繞^{〔三〕}死，梵行生生。金闕積簡，上有劫名。功滿昇度，月宮鍊形。欲得羽衣，當識^{〔四〕}朱嬰。朱嬰相度，簡入華青。五帝攜^{〔五〕}別，降致飛輶。七祖同歡，俱登^{〔六〕}上清。

〔一〕「儔」，伯二二九九作「疇」。

〔二〕「總歸萬方」，伯二二六〇二、伯二二九九作「總監萬萬」。

〔三〕「繞」，伯二二六〇二、伯二二九九作「統」。

〔四〕「識」，原經字跡模糊，似作「妙」，今據伯二二六〇二作「識」。

〔五〕「攜」，伯二二六〇二作「鑄」。

〔六〕「登」，伯二二九九作「行」。